



Inatsisartunut ilaasortaq
Andreas Uldum
Demokraatit

§ 37 naapertorlugu apeqqummut akissut - nr. 230

Asasara Andreas Uldum

§ 37 naapertorlugu apeqqutinnut nr. 184/2011 Tipsimit lottonillu meeqqat inuusuttullu peqatigiiffiinut tapiissutit nakkutigineqarnissaat pillugu apeqqutinnut malitseqartitsillutit nutaamik apeqquteqarninnut Naalakkersuisut qujapput.

06. dec 2011
Sagsnr. 2011-045068
Dok. Nr. 778398

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: ikinn@nanoq.gl
www.nanoq.gl

Naalakkersuisunut apeqqut:

1. Naalakkersuisut apeqqutiga nr. 184/2011 akillugu imatut allapput:

“Sorlammut malittarisassat naapertorlugit ersarissumik piumasaqaataavoq, qinnuteqartut ilaasortaasa amerlassusaat ilanngunneqassasoq. Ilangullugu ilisimatitsissutigineqassaaq, aamma tapiissutinik pissarsissagaanni ilaasortat ikinnerpaaffeqartussaammata. Kattuffiit peqatigiiffillu ingerlatsinermut tapiissutinik qinnuteqartillugit aamma ilaasortat amerlassusaat atorneqartarpoq tapiissutip angisusissaanut tunngaviusarpoq”.

Tamatumunnga atatillugu Naalakkersuisut isumaqarpat, ilaasortat kattuffimmut ilaasortaaffigisaminnut akiliisimangitsut, kattuffiup ilaasortanut pisortatigoortumik allattorsimaffiutaanut ilaasinnaasut?

Akissut:

Naalakkersuisut tatigilluinnarpaat kattuffiit peqatigiiffillu namminneq immikkut malittarisassaminni kikkut tamatigoortumik ilaasortaasinnaanersut isummerfigisimassagaat. Sorlammut tunngatillugu ilaasortat ilaasortaannermut akiliummik akiliisimangitsut Sorlamminggaanniit ilaasortaajunnaarsinneqarsinnaapput, tak. Sorlaap maleruagassaani § 3, imm.10.

Kattuffiit peqatigiiffillu Sorlammut ilaasortanngortut aammattaaq ilaasortat amerlassusaannik nalunaarsuissapput. Kattuffiit peqatigiiffillu taakku akisussaaffigivaat ilaasortat amerlassusaannik nalunaarsuinerup nutarterneqartarnissaa.

Naalakkersuisulli aamma tipsernermit lottornermillu iluanaarutininik agguassinermit atuinermillu misissuinissaannik nakkutilliinissaannillu periarfissaqarput, tak. Tipsernermit lottornermillu iluanaarutininik agguassisarneq pillugu Inatsisartut inatsisaat nr. 7, 1. juni 2006-imeersumi § 6. Taamaalillutik tapiissutisartut, soorlu Sorlak qinnuteqarfigineqarnermikkut paasissutissanik tamanik Naalakkersuisunut nassitsisassapput, taakkununnga ilanngullugit qinnuteqaatit pillugit paasissutissat, aalajangiussinerit, agguassinermut najoqqutassat, ilaasortat amerlassusiat, akiliutit il.il.

Inussiarnersumik inuulluaqqusillunga
Med venlig hilsen

Mimi Karlsen